

中國方志叢書·華中地方·第三五七號

據

民國二十四年
余晉芳纂
鉛印本


影印

湖北省

麻城縣志前編

(一)

成文出版社有限公司印行



中國方志叢書·華中地方·第三五七號

據

民國二十四年晉芳纂
民國二十四年鉛印本


影印

湖北省

麻城縣志前編

(二)

成文出版社有限公司印行



中國方志叢書·華中地方·第三五七號

據

民國二十四年
民國二十四年
余晉芳纂
鉛印本


影印

湖北省

麻城縣志前編

(三)

成文出版社有限公司印行



10096938

1227
H819
227(41)

中國方志叢書·華中地方·第三五七號

據

民國二十四年
晉芳纂
鉛印本


影印

湖北省

麻城縣志前編

(四)

成文出版社有限公司印行



10096958

中華民國六十四年 月臺一版

麻城縣志前編

全四冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

麻城縣志

中華民國二十四年
秋漢口中華書局承印

序一

麻城古所謂山谷盤阻四固之區也五關形勝屏蔽江淮歷唐宋元爲兵事必爭之地清咸豐間益陽胡文忠公撫鄂飭縣修各關隘因築礮樓以衛堡寨築堡寨以衛團練粵捻相繼來犯悉挫敗以去而麻城團練之名且駸駸出營兵上矣官斯土者旣善其形勝復善其風俗好義尙恥載在方志明李贄流寓時雖嘗以狂誕悖戾之言呼朋譁衆然身死書燬不久而光燄燿焉嗣是忠義文學甚盛益熾其以政事武節著者亦肩相比踵相接也乃自世變日岌過激學說西靡東漸慤悖者流遂不恤噬聖哮道盡去其崖檢聚失學年少無業奸民餌以食色恣其獸行進而屠城村毀經界洶洶橫流彌漫數行省麻城故巖疆徒黨更利爲窟穴其禍遂

爲有史以來所僅見李贄文妖不足方也顧其時一軍特起正名討伐循鄂南渡江趨麻城道羅英入皖所過賊披靡厥惟前國民革命軍第十三軍軍長夏公斗寅夏公固麻城人也後公主鄂政復以前師長鄭君重爲縣長部勒鄉兵搜剿山谷期年境內帖然究其歲功之由固得力於碉堡者爲多而諮詢謀畫師事友事者又皆縣中耆宿用能以忠誠相倡導而轉移一縣人之心思耳目更以其暇徵文考獻延余先生子青總纂縣志俾信今以傳後益以知鄭君之裕於官不徒以武烈著鄭君又固麻城人也夫天下之變歷演寢蹟窮智殫力莫之能止然與時因應亦自有不變之道在以兵事言校技製械誠未可姝姝然悅其故迹而相度山川阨塞設險固圉無中外一也以政事言制度文物舊者祧而新者

嗣獨至四維八德所由正人心而厚風俗者亘萬古而不易此崇仁仗義矢信尚智守禮爲道之常民之彝也執常以馭變變則通通則久逐變以失常嘯引凶狂騰越以求逞是不名曰變但名曰亂鴆毒之陳明燎之舉適趣就甘附熱者以速死而國之危如屬絲矣可不引爲大戒哉茲者鄭君以所修志書乞予序之予審其義例亦常變互見而於忠義孝友節烈諸行闡微顯幽惟殷殷焉示人以共趨必由之常軌毋抑平山中賊易平心中賊難名教之防殆有重於形勝者歟因爲文以弁其端冀來者奉爲治書固不僅比次整頓嚴爲國史要刪已也

中華民國二十四年五月商邱孟廣澎

序二

麻城介楚豫之交幅員周六百里東北多山陵其民男務耕牧女習蠶織西南平疇彌望農隙贏金服賈動致素封曩自荆襄溯江漢以達川陝視猶外府光宣以還陵夷殆盡故論麻城民業仍本於農方志稱其土厚而肥俗醇而樸人質直而好義又稱民習勤苦通技藝輕遠遊士風厚美出重名節處尙廉恥農業社會之習俗大較然也自清季學說朋興躁進之徒羣趨於攘利攫權縱欲敗度之一途愈演愈橫甚至威脅術誘使愚氓陷其彀中而不克自拔凶鋒所屆子倍乎孝父棄其慈昆弟乖牾夫婦離棄舉悖逆殘酷淫慝縱侈諸凶德盜賊所不忍爲者彼皆悍然行之而罔有顧惜蓋至是而風俗人心敗壞極矣都人士懼禍至之無日皇皇

焉奔走呼籲斥私財繕守備以斬保其身家重適於是時奉命攝篆德薄能鮮深懼弗勝顧惟大府付畀之重桑梓敬恭之義不敢不勉以謂平有形之亂易弭無形之亂難人心陷溺烏可以武競昔陸侯刺相州遇宿老名望素重者以客禮詢之政事責以方略細民以節義著者爲表其閭期年民俗不變雖未能至心向往之且自邪說橫行大府屢以張四維相教督則古宣化有司責也二十三年春匪氛漸戢乃進都人士商籌續修縣志旣奉大府報可則遴聘邑中耆宿分任採輯纂修禮延余先生子青綜其事老成聚處邑人皆有所矜式重亦獲於公暇諮諏善道裨補疏愚值歲大旱資用乏竭或日不再食而諸先生任事益慎以勤自九月至二十四年三月編纂歲事大略沿陸志例而損益之事增於前文

省於舊於表彰忠義孝友節烈諸事迹尤斤斤焉昔孔子成春秋而亂世賊子懼一邑志乘固不敢僭擬聖經然發潛德之幽光俾人人知奇節異行不至與草木同腐朽豪胥巨慝凌轢一世者終不得與匹夫匹婦競身後片語之榮而人心之蘄嚮於焉大定倘所謂弭亂無形者非歟若夫述古詳今俾從政者得以考鏡得失抑末也旣畢觀爲撮其緣起如右至體例綱目與時代之起訖子青先生序之詳矣茲不贅云

中華民國二十四年四月鄭重

序三

麻城續脩縣志經前縣長鄒秉乾蕭覺天兩次提議以籌款不易未能成爲事實民國十五年至二十一年兵災匪禍人民不得安居時本縣鄭梅軒師長寓居武昌省府委爲麻城縣長鄭縣長到任後熟悉地方情形接洽駐軍整理團隊相機進剿恢復匪區廿三年春乃召集城鄉紳董決議脩輯縣志一面呈省府備案隨聘鄭君介樵爲經理兼任纂脩請九區紳士募捐每區派一員司採訪縣長至省邀請劉君佑賢家任直及晉芳回籍脩書聘佑賢任直爲纂脩囑晉芳總其事比以年力已衰學識淺陋不克勝總纂任力辭縣長不允謂業經聘毛君應亭爲協纂袁君冠丞沈君心耕張君叔遠及介樵爲纂脩屈君季惠爲分輯皆邑中老宿必能

相與有成敦促晉芳佑賢任直回縣至於再三任直爲中華大學教職所羈不克言旋許遙領編輯晉芳與佑賢先後回縣自六月至八月久旱酷熱採訪維艱九月下旬毛袁諸君始聯翩齊集調查舊志傳本甚少原板無存勢不能專作續編不問前事乃擬重加釐訂以陸志爲藍本之資雖新舊冶於一爐然非故意混合掠前人之美繼念改政以後陰陽曆界線天然既欲其起訖分明尤宜於首尾聯貫於是以前後分編同時並舉之說相商推同人均以爲然遂決定分前後編纂輯前編仍舊名爲目十一曰疆域晉芳

編

曰建置

叔遠編

曰食貨

介樵編

曰學校

心耕編

曰武備

介樵編

曰職

官

冠丞編

曰選舉

心耕編

曰耆舊

任直亭同編

曰列女

佑賢編

曰藝文

應亭編

曰複志

冠丞編

蓋依陸志例稍有變更後編名曰縣志續編目